



D Chinese kemme

So, jetzt wiise mir das au im Weschte
d Chineeze keere ze de Allerbeschte
dr Bush saits au, dā mueses jo wisse
dā het nämmlig yberhaupt no gar nie bschisse
ze dr Aggse vo de ganz beese
keere si nimme, die kaibe Chineeze
staalhart diens is bewiise
wemme sich uusewindet us jeder Kriise
im Sinn vom woorsche Wort ischs iiri Waal
Mir beherrsche jetzt dr Staal
bruuchsch e Büggse, e Hammer odder e neyie Kaare
muesch Gedult ha und au Rue bewaare
im Riich vo dr Mitti duet me nämmlig bestimme
eb me dr Roostoff fir das Produkt wott bringe
wenns denn do isch erliidisch greeschti Quaale
will des gar nimme kasch zaale
bi dääre Büggse odder au bim Kaare
kame yberhaupt gar nit me spaare
will d Chineeze d Priise uff die driibe
und du muesch immer no mee aaneriibe
si hänn nämmlig nit numme Auge mit Schlitz
und das isch yberhaupt kai Witz
si hänn au Oore mit Schlitz
und das nit numme e bitz
e jedi Konkuränz wird an d Wand aanedruggt
und au andri Firme aifach iine gschluggt
au vor risige Amikonzärn macht me nit Halt
was die koschte lost si vellig kalt
me ka sich nimmi gege si weere
so dien si lire Yfluss immer me vermeere
hart wie iire Staal und s Yyse
kemme alli Andere in schweeri Kriise
sogar bi de Lümpe fir an Ranze
behersche si scho bald s Ganze
jetzt muesch ganz guet loose
au Du draisch chinesischi Unterhooze
s Oel, i main nit das zem Aesse
wome us Pflanze duet uuseprässe
nai, das wome bruucht in de Fabrigge
und Waare in dr Wält ummeschigge
fir haize, faare und au fliege
kenne mir gar nimme gnueg griege
die duusigdreihundert Millione
wo im Riich vo dr Mitti dien woone
dien die Energie fir sich in Aaschpruch nä
und de andere yberhaupt nit me gä
as d Staalfabrigge dien floriere
und si elai vo däm Sääge kenne profidiere
si kemme esoo zem grosse Stutz
und schwelge voll im Aigenutz
das rieht nadiirli sofort andri uf e Plaan
wo au e Stigg wänn vo dämm Greesewaan
in d Schwiiz mecht me d Schlitzauge logge
fir as mee Lyt in unsre Hotel ummehogge
me mecht au as si uf unsri Bärge kemme
und vo jedem Hügel oobeaabe stemme
in alle Felse umme hängge
und nur no an die scheene Panoram dängge
alli Beize dien fille
und d Segg mit Uure und Aadängge fille
au unsri grosse und glaine Bangge
wäre froo um jeede Frangge
wo in dr Schwiiz würd bliibe
und iiri Gwinn no me in d Heechi driibe
i winsch mer numme as es wägge dääne
vo deert im färne Oschte ääne
nit kunnt zemene Wäggsel vo dr Aesskultur
will deert duure sin die schambar stuur
i due vor allem um unsri Huustier bange
iiri Spezialitete sin nämmlig Hünd, Affe und Schlange
nai i derf do dra gar nit dängge
alles wurd mr im Hals bliibe hängge
dr Maage wurd mer ummedraiye
und nit me wärs mit Kääs und Ziibelewaye
dr Frau Fasnacht duets au yberhaupt nit nitze
die blibt denn uf de Fasnachtskiechli sitze

D'Ladäärne-Uusstellig uff em Minschterblatz und d'Waage- und Reggwisytt-Uusstellig bi dr Kasäärne sin offe vom Fasnachtsmändig znacht bis am Mittwoch demoorge. Deert kau men au alli Zeedel und Schnitzelbängg, d'Blaggette und dr Rädabängg kaufe.